



Tuhaqtitjutikhaq

Qilamiuqlugu Tuhaqtitjutikhaq

Ilihaqtut ‘Piksasuuliuqtaat’ Tibaakumut

IQALUIT, Nunavut (Ubluqtuhirnirmut Aullaqtirvia 20, 2012) – Ilihaqtut Nunavunmit, Nunattiak Yukon-mitlu ilaayut uumani Piksasuuiliuqtaat (Get Reel), piksasuuiliuqhimayuuq akhuurutaayuuq piliuriami higaaruqilutik naunaikhitjutikhanik, ilaavlugug uumunga ukiunganut tamainni nunakyuami Higaqnirmut Naunaiyainirmut hanaqtitjutikhaq.

8-ni ukiunginni, kavamait Nunavunmi, Nunattiak Yukon-lu ikayuutigiyaaq una ilihautikhaq higaaruqitnirmut inulramminut, Higaqnirmut Naunaiyainirmut (Smoke Screening 8), naunaiktangit ilihautut nunakyuamut ukiuqtaqtumi nunallaanilu higaaruqnahugitnirmut tuhaqtitjutinut piksasuuqitug inunnullu naunaikhitjutinut.

Nutaaq havaktauyakhaq pitjutikhanut uumani ukiungani una piksasuuiliuqhimayuuq (Get Reel) akhuurut ilaupqaqhugit ilihautut Ilihaqniinni 6-mit 12-mut piksasuuiliuqilutik ihuaqhaqlugilluinmik higaqtailinirmut tuhaqtitjutikhanut.

Ilihaqtut Nunavunmit, Nunattiak Yukon-mitlu tautukniaqtaait inmik tuyugtamingnik aallallu ilihautut pingahunit nunanit, unalu nunakyuami tiiviikut tuhaqtitjutit atuqtamingnut havaktamingnut.

“Tibaaku pitjutaaluaqtuuq aanniarutinut tuquyunullu Ukiuqtaqtumi,” uqaqtuuq Nunavunmi Hivuliqti Eva Aariak, uqaqhuni tamainnut pingahunut ukiuqtaqtumi hivuliqtiuyunut. “Amigaitilaangit higaqtaunik tamainni nunani malruknguktutut ittut nunakyuami pitjutaanut, Nunavunlu angitqiyayuuq naunaitkutaani piqaqhuni amigaitqiyamut 60 pusat tahapkuanga 12-nit qaangikhugulu higaqpaqtut. Higaqtailinirmut inulramminik higaqlihaaqnaittumik pilluagakhaq tibaakunut ikililaarutikhat akhuurutit tamainni pingahuni nunani.”

Ilaayuuq nutaamut piksasuuiliuqhimayumut havaktauyamut, ilihautit ukiuqtaqtumi iliharvinni havaqatiginiqtaait ilihautut uqarilugit ihuittumik pitjutinginnik tibaakumut, tautuffaaqlugit higaqtailitjutikhat tuhaqtitjutit nunakyuami niruaqlutiklu piyumalluaqtamingnut nunakyuami tuhaqtitjutikhamik. Naguutqiyaaq tuhaqtitjut, niruarutit ilihautunit, tuhaqtitauniaqtut ukiuqtaqtumi tiiviikut.

Higaqnirmut Naunaiyainirmut (Smoke Screening) 8 atuqtakhat tuyugtauhimayut iliharviknut kangannuaq atulihaaqtillugu una tatqirhiutaa.

###

Tuhagakhanut uqaqvikhaq:

Ron Wassink	Patricia Living	Umesh Sutendra
Tuhagakhanut Ayuittiaqhimayuuq	Aulapkaiyi, Tuhagakhanut	Tuhagakhanut
Munarhiliqiyikkut Inuuhiriknirmullu	Yukon Munarhiliqiyikkut Inuuhiriknirmullu	NWT Munarhiliqiyikkut Inuuhiriknirmullu
867-975-2272	867-667-3673	867-920-3368
rwassink@gov.nu.ca	patricia.living@gov.yk.ca	umesh_sutendra@gov.nt.ca